



Broj: JN05-16-4-10-4/18
Sarajevo, 06.04.2018.godine

Na osnovu člana 25. i člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“ broj: 39/14), ministar pravde Bosne i Hercegovine, donosi

O D L U K U
o dodjeli ugovora u postupku javne nabavke

I

Dodjeljuju se ugovor ponuđaču V.I.P. TRAVELS d.o.o. Putnička agencija Sarajevo, Ulica Zelenih beretki bb/Gazi-Husrev begov Bezistan, 71000 Sarajevo u postupku javne nabavke pružanja usluga rezervacije i prodaje avionskih karata.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je Odlukom broj: JN05-16-4-10/18 od 04.04.2018.godine, pokrenulo otvoreni postupak nabavke pružanja usluga rezervacije i prodaje avionskih karata, izvršilo objavu tenderske dokumentacije i obavještenja o nabavci elektronski na stranici ejn.gov.ba, te dodatno objavilo obavještenje o nabavci u Službenom glasniku BiH.

U ostavljenom krajnjem roku za dostavljanje ponuda pristigle su ponude od sljedećih ponuđača:

1. V.I.P. TRAVELS d.o.o. Putnička agencija Sarajevo, Ulica Zelenih beretki bb/Gazi-Husrev begov Bezistan, 71000 Sarajevo;
2. CENTROTRANS-EUROLINES d.d. Sarajevo, Ulica Kurta Schorka broj 14, 71000 Sarajevo;
3. MRKULIĆ COMPANY d.o.o. Sarajevo, Ulica Dr. Mustafe Pintola broj 23, 71000 Sarajevo;
4. RELAX TOURS d.o.o. Sarajevo, Ulica Alekse Šantića broj 5, 71000 Sarajevo.

Nakon analize i procjene dokumentacije priložene uz dostavljene ponude Komisija za javne nabavke Ministarstva pravde BiH (u daljem tekstu: Komisija) je utvrdila da dostavljene ponude od navedenih ponuđača ispunjavaju sve formalno-pravne i tehničke uslove navedene u tenderskoj dokumentaciji te da se stoga smatraju prihvatljivim ponudama.

Nadalje, Komisija je konstatovala da je tačkom 5.6. tenderske dokumentacije propisano da će ugovorni organ, u svrhu poređenja ponuda, primijeniti preferencijalni tretman domaćeg u skladu sa članom 67. Zakona o javnim nabavama BiH i Odlukom o obaveznoj primjeni preferencijalnog tretmana domaćeg („Službeni glasnik BiH“ broj: 83/16) te da će u tom smislu, prilikom obračuna cijena ponuda u svrhu poređenja istih, umanjiti cijene domaćih ponuda za preferencijalni faktor od 10%. Pri tome se pod domaćom ponudom podrazumijeva ponuda koju podnese pravno ili fizičko lice sa

sjedištem u Bosni i Hercegovini, koje je registrovano u skladu sa zakonima Bosne i Hercegovine i kod kojeg je najmanje 50% radne snage za izvršenje ugovora rezidenti iz Bosne i Hercegovine. Istom tačkom tenderske dokumentacije dalje je propisano da je ponuđač, kao sastavni dio ponude, dužan dostaviti popunjenu Izjavu datu u Aneksu 4 tenderske dokumentacije, u kojoj će zaokružiti jednu od ponuđenih opcija: a) ili b) te ukoliko zaokruži opciju pod a) ponuđač je dužan dostaviti i potvrdu Vanjskotrgovinske komore Bosne i Hercegovine ili potvrdu Privredne komore Federacije Bosne i Hercegovine/Republike Srpske, koja ne može biti starija od tri mjeseca, računajući od trenutka predaje ponude.

S obzirom na navedeno, Komisija je konstatovala da su sva četiri ponuđača čije ponude ispunjavaju formalno-pravne i tehničke uslove navedene u tenderskoj dokumentaciji dostavila popunjenu Izjavu iz Aneksa 4 tenderske dokumentacije, u kojoj su zaokružili opciju a), ali da ponuđač Mrkulić Company d.o.o. Sarajevo, u svrhu dokazivanja istog, nije dostavio jednu od potvrda traženih tačkom 5.6. i 4.3. o) tenderske dokumentacije.

Slijedom navedenog, Komisija je pristupila rangiranju prihvatljivih ponuda na temelju kriterija najniže cijene i uz primjenu preferencijalnog tretmana domaćeg.

Nakon što je Komisija rangirala prihvatljive ponude utvrđeno je da je ponuda V.I.P. TRAVELS d.o.o. Sarajevo, a shodno slučajevima nabrojanim tačkom 5.4. tenderske dokumentacije, neprirodno niska. Slijedom toga, aktom broj: 18.6-16-4-4234-1/18 od 14.05.2018. godine, od spomenutog ponuđača zatraženo je obrazloženje ponuđene cijene.

Ponuđač V.I.P. TRAVELS d.o.o. Sarajevo je blagovremeno, dana 18.05.2018.godine, dostavio traženo obrazloženje. Komisija za javne nabavke sastala se ponovo dana 21.05.2018.godine kako bi Obrazloženje ponuđača V.I.P. TRAVELS d.o.o. Sarajevo uzela u razmatranje. Nakon razmatranja razloga ponuđene cijene Komisija je konstatovala da su isti opravdani.


Shodno članu 17. stav (9) Uputstva za pripremu modela tenderske dokumentacije i ponuda („Službeni glasnik BiH“ broj: 90/14) Obrazloženje ponuđača V.I.P. TRAVELS d.o.o. Sarajevo sastavni je dio Zapisnika o ocjeni ponuda broj: 18.6-16-4-4234-2/18 od 21.05.2018.godine.

Slijedom svega gore rečenog, Komisija je jednoglasno dala preporuku ministru pravde BiH shodno Zapisniku o ocjeni ponuda broj: 18.6-16-4-4234-2/18 od 21.05.2018.godine, da u predmetu nabavke pružanja usluga rezervacije i prodaje avionskih karata za potrebe Ministarstva pravde Bosne i Hercegovine, donese Odluku o dodjeli ugovora ponuđaču V.I.P. TRAVELS d.o.o. Putnička agencija Sarajevo, Ulica Zelenih beretki bb/Gazi-Husrev begov Bezistan, 71000 Sarajevo, kao prvoplasiranom na rang listi, sa ponuđenom cijenom od 1,71 KM bez PDV-a (slovima: jedna i 71/100 KM).

Komisija je također istakla da je ponuđač V.I.P. TRAVELS d.o.o. Sarajevo uz Izjavu iz Aneksa 3 tenderske dokumentacije dostavio i dokumente kojima dokazuje da se na njega ne odnose slučajevi definirani tačkom 3.1. od a) do d) tenderske dokumentacije, pa stoga iste nije dužan naknadno dostavljati prema uslovima utvrđenim tačkom 3.1.3. tenderske dokumentacije.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 10 (deset) dana od dana kada je primio Odluku, odnosno Obavještenje o rezultatima.



Prilog:

- Zapisnik o ocjeni ponuda.

Dostaviti:

- Ponuđači u postupku javne nabavke,
- a/a.